



Broj:
Sarajevo, __. __. 2021 godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na sjednici od __. __. 2021. godine, donijelo je:

ZAKLJUČAK

1. Gradsko vijeće Grada Sarajeva razmatralo je tekst Nacrta Odluke o usvajanju Akcionog plana rodne ravnopravnosti Grada Sarajeva i upućuje ga u javnu raspravu u trajanju od 30 dana od dana usvajanja Nacrta Odluke.
2. Subjekti u javnoj raspravi su klubovi gradskih vijećnika i drugi subjekti koji iskažu interes.
3. Ovaj Zaključak, čiji je sastavni dio utvrđeni Nacrt Odluke o usvajanju Akcionog plana rodne ravnopravnosti Grada Sarajeva, tokom trajanja javne rasprave bit će javno dostupan na službenoj internetskoj stranici Grada Sarajeva, putem poveznice istaknute na naslovnoj stranici pod naslovom „Poziv za javnu raspravu o Nacrtu Odluke o usvajanju Akcionog plana rodne ravnopravnosti Grada Sarajeva“.
4. Primjedbe, prijedlozi i sugestije iznesene na sjednici Gradskog vijeća pri razmatranju Nacrta Odluke o usvajanju Akcionog plana rodne ravnopravnosti Grada Sarajeva, tretirat će se kao prilog javnoj raspravi.
5. Za organizaciju i vođenje javne rasprave određuje se gradonačelnica, putem Gradske službe za lokalnu samoupravu i razvoj grada.

PREDSJEDAVAJUĆI GRADSKOG VIJEĆA

Jasmin Ademović





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o usvajanju Akcionog plana rodne ravnopravnosti Grada Sarajeva
(Nacrt)

Predlagač: Gradonačelnica
Obrađivač: Gradska služba za lokalnu
samoupravu i razvoj grada

Sarajevo, decembar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada Sarajeva, na . sjednici održanoj __.__. 2021. godine, donijelo je:

(Nacrt)

**Odluku
o usvajanju Akcionog plana rodne ravnopravnosti Grada Sarajeva**

Član 1.

Ovom odlukom usvaja se Akcioni plan rodne ravnopravnosti Grada Sarajeva, koji je sastavni dio Odluke

Član 2.

Izmjene i dopune Akcionog plana rodne ravnopravnosti Grada Sarajeva vrše se na način i po postupku za njegovo donošenje.

Član 3.

Gradskom vijeću Grada Sarajeva podnosi se Informacija o provođenju Akcionog plana rodne ravnopravnosti Grada Sarajeva jedanput godišnje.

Član 4.

Ova Odluka stupa na snagu danom donošenja, a objavit će se u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo, __.__. 2021. godine

O B R A Z L O Ž E N J E

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA

Evropska povelja o rodnoj ravnopravnosti na lokalnom nivou je dokument kojeg je Savjet evropskih općina i regiona (CEMR), kao asocijacija lokalnih i regionalnih vlasti iz preko trideset zemalja Evrope, usvojio 2006. godine. Namjera je da se njenim usvajanjem i provođenjem napravi mjerljivi pomak u ostvarivanju ravnopravnosti žena. Povelja ima za cilj da pruži okvir za poboljšanje položaja žena na najneposrednijem i svakodnevnom životu najbližem nivou – na nivou lokalne zajednice, prvom stepenu javne sfere društva, koje se i dalje nedovoljno brzo otvara prema svojoj, donedavno zaboravljenoj polovini – ženama.

Cilj izrade Akcionog plana je unaprjeđenje rodne ravnopravnosti u Gradu Sarajevu kroz implementaciju Evropske povelje o rodnoj ravnopravnosti na lokalnom nivou, u skladu sa poslovima i nadležnostima Grada Sarajeva.

Imajući u vidu navedeno, Gradsko vijeće Grada Sarajeva donijelo je ovu odluku.

FINANSIJSKA SREDSTVA

Finansijska sredstva za realizaciju ove Odluke obezbjeđuju se u Budžetu Grada Sarajeva.